

Malaysia komited usaha diplomatik cegah pembunuhan orang awam di Gaza

19 Oktober 2023, 11:03am

KUALA LUMPUR: Malaysia akan melakukan segala usaha diplomatik dalam kerjasama dengan rakan negara ini untuk mencegah pembunuhan beramai-ramai orang awam di Gaza, kata Datuk Seri Anwar Ibrahim.

Perdana Menteri menegaskan, seharusnya tiada keraguan dan persoalan mengenai komitmen Malaysia dalam perkara berbangkit itu.

"Marilah kita menghayati semangat kerjasama dengan mengetahui bahawa apabila kita mengumpulkan sumber, idea dan bakat, kekuatan yang dicipta mampu mengatasi sebarang halangan.

"Masa untuk bertindak adalah sekarang. Bersama-sama kita boleh membentuk legasi yang akan diraikan untuk generasi akan datang," katanya.

Beliau berkata demikian ketika berucap pada Perhimpunan Agung Persatuan Undang-Undang ASEAN (ALA) Ke-14 dan Persidangan Undang-Undang ASEAN 2023, di sini, hari ini.